

Россияос нимодан лун Пыр ловъя, дзик некор оз вун!

Кузь нэм да бур шуд!

Парма



Гор

Эжа йывса войтырлөн газет

Петö 1929 восянь

Воторник, 2013 вося июнь 11 лун 69 (10656)-öд №

Вайом бöрын челядьсö энöвтö сöмын көч (коми шусьöг)

ЭЖВА ЙЫВЛÖН БУРТОРЪЯС

ПАСЪЯСНЫ ТШУПÖДА ПАС

Таво Немдін пасйö 375 во.

Нимодасны август коймод лунö. Торъя котыр, кытчö пырисны ветеранъяслөн, нывбабаяслөн да томъяслөн советъясысь йöз артыштис, кызди нуöдны празниксö. Га-жöдчыны корисны республикаса да районса кывкутысь йöзöс, сылан-йöктан котыръясöс. Сьомон көсийс отсавны район.

МЕДСЯ БУРЪЯС ЛЫДЫНÖСЬ

Лыжион котралом кузя республикаса федерация вöчис уджлы кывкортöд да локтан во кежлö бöрийс лыжион котралом кузя республикаса öтувъя котырö медся буръясöс.

Сэтчö веськалис Помöсдінысь Никита Егоров. Тайö жö котырын 10 во нин Куломдінысь Евгений Уляшев, Россия тшупода спорта мастер. Öни найö өнмöдчöны, котралöны, шойчöны Сьод саридз дорын.

ВЕРМИС РЕСПУБЛИКАЫН

Социальнöя сöвман агентстволөн семьялы да челядьлы отсöг сетан районса юкөнлөн «Эскы аслыд» бала босьтис грант республикаса конкурсын.

Сйöс веськөдöма челядьсö öткөн быдтысь батьяскöд уджалом вылö. Специалистъяс босьтчисны нин пöртны олөмö ассьыныс мөвпъяс. Нуöдисны ордысьöм. Регыдъя кадö уджö босьтчас психолог.

Конкурсын вермöмысь социальнöя сöвман республикаса агентство районса юкөнлы козыналис компьютер да сы дорö содтöд оборудование.

НИМÖДИСНЫ КНИГА

Шöр библиотекалөн юбрьяс сетан шöринин нимöдисны районса немецъяс йылысь «Подлежали высылке на север» книга.

Сйөн тöдмöдисны республикаын немецъяслөн культурнöй автономияон веськөдлысьсöс вежысь, книга лöсьöдысь Рейнгольд Бихерт да республикаын «Покаяние» фондөн юрнуöдысь Михаил Рогачёв, кодлөн веськөдлөм улын кольöм воын экспедиция туялис мыждöм улö веськалөм йöзлысь да налөн ныв-пилысь районин олөм.

Книга лэдзьясьсöс, немецьяслысь олөм туялысьясöс атгöалис районса юралысь Дмитрий Шатохин. Пасйис, мый найö пунктисны ыджыд пай районлөн историяö.

Книга лэдзöм вылö сьом вичмöдисны район да немецьяслөн культурнöй автономия.

УДЖАЛÖНЫ ЧЕЛЯДЬ

Носим овмöдчöминса администрация бердын уджалö тыр арлыдтöмъяслөн вит морта котыр.

Июнын пелькөдасны-сöстөммодасны сикт-посёлок, паськөдыштасны казтылан пас гөгөр потшöс, лöсьöдасны москисяс. Рыгыснас кутасны кытшовтны сикт-посёлок, мед эз дзулöдчыны песни челядь. Шыбластьяс кисьталанинö öшлिसны «Сöстөм да югыд сикт» гижöдъяс. Вылыс Ярашьюын тыр арлыдтöмъяслысь удж котыртис посёлокса старöста Л.В.Игнатова. Квайт томулов вылысь потшисны сад йөр, кытшовтисны сиктасясöс да öлöдисны, мед горт дорын да вöрын оз вöчны бишур, оз сотны лöп-өг. Уджысь вештысьясны овмöдчöминса администрацияс, сьом вичмөдас и уджон могмодан районса шöрин.

Асланым да общ. корреспондентъяс, районлөн сайт вылысь.



Константин да Светлана Рейнгардт гозъя кылын асьнысö шудаён. Озырлуныс - Илона, Альберт да Роберт челядь. Налөн шуда семьяын ыджыдалö öта-мöдöс радейтöм, пыдди пунктöм, гөгөрвоём, öта-мöд вöсна тöждысьöм.

- Государство ыджыд тöдчанлун сетö семьялы. Мöд да коймöд кага чужтöмысь федерацияса да регионса мам капитал веськөдлөм керка ньбöм вылö босьтлөм ипотекаысь кредит вештöм вылö. Содис и кагакөд пукалöмысь быд тöлысья сьом вештöм. Илона таво помалö 11 класс. Школаысь öтдор велöдчис Коми пединститутлөн иностранный

кыв велöдан юкөннын. Мөвпалö водзö велöдчыны сэни жö. Альберт котралö садйö. Район сөвмö, юрсиқтыны кыпалö ыджыд сад. Эскам, садйын места лоас и Робертлы, - сёрнитисны гозъя.

Константин уджалö пенсия фондлөн Куломдінса управлениенн специалист-экспертөн. Светлана - народнöй судын судьялы отсасысь, öни пукалö кагакөд гортын. Асъяын удж вылö колльöдö муса верöсöс, школаö да садйö челядьсö, а рыгнас пöся вочаалöны ставнысь медся дзоля Роберткөд.

Гижöд да снимок
Марина ДАДАШОВАЛÖН.

Чолöмалöмъяс

**Коми республикаса пыдди пунктана олысьяс!
Дона асмувывсяяс!**

**Став сьöлöмсянь чолöмалам государстволөн
медшöр празникөн - Россиялөн лунён!**

1990 вося июнь 12 лун, Российскöй Федерациялөн государственнöй аспöрлун йылысь декларациялөн лун, лö öния кадся российскöй государственностьлөн панасөн. 23 воон мян страна венис экономикалысь чинöм, лöсьöдис правöвöй выль тэчас, бөр сувтöдис кок йылö промышленность да кыпöдис сылысь позянлунъяс, сяммис кутны öтувъялун, петкөдлис став мирлы, мый Россия - ён держава.

Коми республика - Российскöй Федерациялөн торйöдны позьтöм юкөн. И мян аския лунным сы сайын, кутшöм пай ми пунктам асланым кар, район, республика, а сдзкö, и Россия сөвмөдöмö. Миян öтсöгласа бур удж сайын аския олөм, öтув ми унатор вермам вöчны асланым республикалы да страналы.

Став сьöлөмсянь сиами Коми республикаса олысьясы дзоньвидзалун, шуд, судзьяна олөм, аския лунö эскөм, Россияос ёнмөдöм могысь выль уджö босьт-чигөн ыджыд вермөмъяс!

Коми республикаса юралысь.
Коми республикаса Госсовет.
Коми республикаса правительство.

Куломдін районса пыдди пунктана олысьяс!

**Чолöмалам тиянöс государстволөн
празникөн - Россиялөн лунён!**

Россиялөн лун - öтувъя праздник странаса став олысьлөн. Тайö мездлунлөн, öтувъялунлөн да Рöдина вöсна кывкутöмлөн праздник.

Талун Россия - зумыда сöвмысь, ыджыд позян-лунъяса государство. Ми кыпалам асланым кольöм кадөн, культураон, кытшалысь вөр-валөн озырлунөн, экономикаын, наукаын, искусствоын, спортын шедöдөм вермөмъясон. Но страналөн медся ыджыд озырлунөн лöбны унапöлс национальносъя йöз, кодъяс ёртасьöмөн да öтсöгласөн олöны Россияын.

Сиами тиянлы, дона асмувывсяяс, ён дзоньвидзалун, шуд, судзьяна олөм, мян районлы, Коми республикалы, Россиялы бур вылö веськөдөм уджын вермөмъяс!

«Куломдін» муниципальнöй районса юралысь -
районса администрацияон веськөдлысь
Д.А.ШАТОХИН.

«Куломдін» муниципальнöй районлөн Советса
председатель А.Н.КОНДРАШКИН.